



Minggu, 04 Agustus 2024
Ogen : Sakaria 5: 9-11



Diberu Megegeh



Ibas wari si nderbih ngerana kita kerna diberu nggambarken kejahatan janah i bas wari enda ngerana kita kerna uga kejahatan e ibahan. Maka i bas ogenta sendah, maka lit dua kalak diberu alu kabengna si megegeh ngangkat tong ndai kenca bage ikabangkenna. Ku ja ibaba tong e nina Sakaria man malekat, maka nina malekat ibaba ku Babilon. Enda sada gambaren maka kejahatan e pe lit inganna, rumahna man kerina perbahanen si jahat i bas manusia. Bagi Tuhan mbangun rumahNa i Jerusalem ras mbangun kota man umatNa i Taneh Israel, bage pe kejahatan mbangun kuta man kalak-kalak si jahat i bas Babilon.

Arah kejadian enda, maka ate Tuhan gelah ula min campur kiniulin ras kejahatan, ipeserap me kejahatan i bas si mehuli nari. Tapi kinatana kejahatan e lalap nge terjadi i bas tengah-tengah kalak si mehuli. Sabap arah kalak si mehuli banci saja reh kalak si jahat. Janah kalak si mehuli banci saja terkontaminasi ras biak-biak si jahat. Pepatah lama ngatakensa, bahwa jalan ke neraka kerap kali dilapisi dengan kehendak yang baik.

Banci si idah i bas kasus-kasus si lebih parah, maka perbahanen si mehuli justru munuh kalak sideban. Perbahanen si mehuli erbansa hubungan-hubungan antar manusia lanai adil. Hitler memusnahken kalak Jahudi i bas gelar kiniulin man bangsa Jerman. Suharto membantai ratusan ribu guna gelar kejayaan Republik Indonesia. Bagepe ISIS (Negara Islam Irak dan Suriah) munuh, menyiksa warga Irak ras Suriah guna gelar agama. Ikirana perbahanenna e e me perbahanen si mehuli guna bangsa ras agama. Engkai maka banci bage? perbahanen si mehuli jadi dalam ku neraka erkiteken lit kepentingan kotor. Enda kerina jadi erkiteken kalak la ngikutken perukuren Tuhan. Perukurena ilumuri perhitungan untung-rugi ras nafsu jahat.

Kalak si rukur alu perukuren Tuhan labo pernah erbahan si mehuli si ngerugiken ras encedai kalak sideban. Tapi perbahanenna si mehuli tentu rikutken kai si ngena ate Tuhan ras erguna man kalak sideban.